




Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs



Broj: 01-9-02-2-4309/25
Sarajevo, 04.07.2025. godine

SKUPŠTINA KANTONA SARAJEVO

n/r predsjedavajućeg Skupštine

PREDMET: Odgovor na zastupničko pitanje zastupnice Vujović Vedrane, dostavlja se;

VEZA: Vaš akt broj: 01-04-34176-3/25 od 16.06.2025. godine

U skladu sa članom 219. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničko pitanje koje je postavila zastupnica Vujović Vedrana na radnoj sjednici Skupštine Kantona Sarajevo, održanoj dana 16.06.2025. godine, a koje je glasilo „Na osnovu koje studije opravdanosti su na različitim proširenjima/autobuskim stajalištima u Kantonu Sarajevo postavljene kamere sa ciljem kažnjavanja vozača i kojima je zabranjeno zaustavljanje putničkim motornim vozilim, a posebno vozilima taksi prevoza, ako je poznato da je taksi službe dio javnog prevoza.“.

Odgovor:

„Uprava policije, Ministarstva unutrašnjih poslova Kantona Sarajevo je u mjesecu novembru 2022. godine, izradila Elaborat sistema za evidentiranje prekršaja nepropisnog zaustavljanja i parkiranja motornih vozila na stajalištima javnog prevoza na području Kantona Sarajevo. Vlada Kantona Sarajevo je odobrila realizaciju ovog projekta zaključkom broj: 02-04-24803-31/23 od 01.06.2023. godine i odlukom broj: 02-04-27760-4/23 od 15.06.2025. godine. Elaboratom je utvrđena lista od 27 (dvadeset sedam) lokacija na kojima nepropisnim zaustavljanjem i parkiranjem motornih vozila dolazi do ometanja odvijanja saobraćaja na kojima je predviđeno postavljanje kamera koje će evidentirati ovaj vid prekršaja. Zakonom o osnovama bezbjednosti saobraćaja na putevima u BiH, u članu 9. stav (1) tačka 68. propisano je da je stajalište dio površine puta namijenjen za zaustavljanje autobusa, trolejbusa ili tramvaja radi ulaska i izlaska putnika i koje je obilježeno saobraćajnim znakom. Dakle, zaustavljanje i parkiranje drugih vozila na stajalištima nije bilo dozvoljeno nikada. U članu 73. stav (1) tačka 10. istog Zakona propisano je da je naročito zabranjeno zaustavljanje i parkiranje vozila u dijelu kolovoza koji je kao stajalište za



Adresa: Sarajevo, La Benevolencija 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

vozila javnog saobraćaja obilježen saobraćajnim znakom i oznakama na kolovozu. Takođe članom 74. stav (1) tačka 2. istog zakona propisano je da vozač ne smije parkirati vozilo na razdaljini manjoj od 15 metara ispred i iza znaka kojim je obilježeno stajalište za vozila javnog prevoza. Shodno navedenom stajališta nisu namijenjena kako bi se vozači sa vozilima zaustavljali radi preuzimanja putnika ili da neko izađe iz vozila, ako nisu iz gore navedene kategorije.“.

S poštovanjem,

Prilog:

1. Akt Uprave policije, Ministarstva unutrašnjih poslova Kantona Sarajevo broj: broj:02-2-5-166/25 od 04.07.2025. godine;
2. CD x1.

Dostaviti:

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/2-5-166/25

Datum: 04.07.2025. godine

MINISTARSTVO UNUTRAŠNJIH POSLOVA KANTONA SARAJEVO
-n/r Sekretar

PREDMET: Zastupnička inicijativa zastupnice Vujović Vedrane, odgovor, dostavlja se.-

VEZA: Akt broj 01-9-02-2-4309/25 od 25.06.2025.godine

Poštovani,


u vezi akta broj i datum gornji, obavještavamo Vas da je Uprava policije MUP-a Kantona Sarajevo, u mjesecu novembru 2022. godine, izradila Elaborat sistema za evidentiranje prekršaja nepropisnog zaustavljanja i parkiranja motornih vozila na stajalištima javnog prevoza na području Kantona Sarajevo. Vlada Kantona je odobrila realizaciju ovog projekta zaključkom broj 02-04-24803-31/23 od 01.06.2023.godine i odlukom broj 02-04-27760-4/23 od 15.06.2025.godine.

Elaboratom je utvrđena lista od 27 (dvadeset sedam) lokacija na kojima nepropisnim zaustavljanjem i parkiranjem motornih vozila dolazi do ometanja odvijanja saobraćaja, na kojima je predviđeno postavljanje kamera koje će evidentirati ovaj vid prekršaja. Predviđen je sistem koji treba da obezbijedi: nadzor stajališta javnog prevoza, ulazak u zonu saobraćaja rezervisanog za vozila javnog gradskog prevoza, prepoznavanje registarskih tablica, kreiranje baze sa registarskim tablicama vozila koja se zaustavljaju ili kreću u ovim zonama, te uvezivanje u sistem za obradu prekršaja koji se već koristi u MUP-a Kantona Sarajevo.

Zakonom o osnovama sigurnosti saobraćaja na putevima u BiH, u članu 9. stav (1) tačke 68. propisano je, da je stajalište dio površine puta namijenjen za zaustavljanje, autobusa, trolejbusa ili tramvaja radi ulaska i izlaska putnika i koje je obilježeno saobraćajnim znakom. Dakle, zaustavljanje i parkiranje drugih vozila na stajalištima nije bilo dozvoljeno nikada. U članu 73. stav (1) tačke 10. istog Zakona propisano je, da je naročito zabranjeno zaustavljanje i parkiranje vozila na dijelu kolovoza koji je kao stajalište za vozila javnog saobraćaja obilježen saobraćajnim znakom i oznakama na kolovozu.

Osim navedenog, članom 74. stav (1) tačke 2. ZOOPS-a na putevima u BiH, propisano je da vozač ne smije parkirati vozilo na razdaljini manjoj od 15m ispred i iza znaka koji je obilježeno stajalište za vozila javnog saobraćaja. Naime, shodno odredbama ZOOPS-a na putevima u BiH, stajališta nisu namijenjena kako bi se vozači sa vozilima zaustavljali radi preuzimanja putnika ili da neko izađe iz vozila, a koja nisu iz gore navedene kategorije vozila.

Novčanom kaznom od 40,00 KM kaznit će se za prekršaj vozač koji zaustavi ili parkira svoje vozilo protivno odredbama člana 73. i 74. Ako je izazvana saobraćajna nezgoda, učinilac će biti kažnjen novčanom kaznom od 50,00 KM do 200,00 KM, a ako je učinilac prekršaja vozač motornog vozila, odredit će mu se jedan kazneni bod. Za prekršaj kojim je izazvana saobraćajna nezgoda vozaču motornog vozila može se izreći i zabrana upravljanja motornim vozilom u trajanju do dva mjeseca.



POLICIJSKI KOMESAR
Generalni inspektor policije

Fatma [redacted] rević